

Na osnovu člana 31. stav (2) tačka 2) i člana 174. stav (1) i (3) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), tačke 17. Metodologije za izradu procjene ugroženosti od prirodnih i drugih nesreća ("Službene novine Federacije BiH", broj: 35/04), i članova 40., 41. i 138. Statuta Grada Tuzle ("Službeni glasnik Grada Tuzla", broj: 6/21 i 4/25), na prijedlog Službe civilne zaštite Grada Tuzle, Gradonačelnik Grada Tuzle, donosi :

O D L U K U

o donošenju Procjene ugroženosti od prirodnih i drugih nesreća grada Tuzle

Član 1.

Ovom Odlukom donosi se Procjena ugroženosti od prirodnih i drugih nesreća grada Tuzle (u daljem tekstu: Procjena ugroženosti).

Član 2.

Sastavni dio ove Odluke je dokument Procjena ugroženosti, na koji je Gradski štab civilne zaštite prethodno dao pozitivno mišljenje.

Član 3.

Procjena ugroženosti, kao poseban dokument uz Plan zaštite i spašavanja ljudi i materijalnih dobara od prirodnih i drugih nesreća grada Tuzle, čuva se u Službi civilne zaštite Grada Tuzle.

Član 4.

Ova Odluka stupa na snagu narednog dana od dana objavljivanja u "Službenom glasniku Grada Tuzle".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Gradonačelnik

Broj: 02/40-A-2024-225
Tuzla, 25.12. 2025. godine



OBRAZLOŽENJE

I - Pravni osnov za donošenje Odluke

Pravni osnov za donošenje Odluke o donošenju Procjene ugroženosti od prirodnih i drugih nesreća grada Tuzle (u daljem tekstu: Odluka) sadržan je u odredbama 31. stav (2) tačka 2) i člana 174. stav (3) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10) (u daljem tekstu: Zakon o zaštiti i spašavanju), tačke 17. Metodologije za izradu procjene ugroženosti od prirodnih i drugih nesreća ("Službene novine Federacije BiH", broj: 35/04) (u daljem tekstu: Metodologija), i članova 40., 41. i 138. Statuta Grada Tuzle ("Službeni glasnik Grada Tuzla", broj: 6/21 i 4/25).

Odredbom člana 31. stav (2) tačka 2) Zakona o zaštiti i spašavanju propisano je da služba civilne zaštite općine izrađuje procjenu ugroženosti na području općine. Odredbom člana 174. stav (1) istog Zakona propisano je da općine donose svoje programe i planove zaštite i spašavanja od prirodnih i drugih nesreća, u skladu sa ovim Zakonom i drugim propisima, a u stavu (3) istog člana je propisano da procjenu ugroženosti općine i općinske programe i planove zaštite i spašavanja izrađuje služba civilne zaštite općine, u saradnji sa službama za upravu općine, zavisno od oblasti koje su u njihovoj nadležnosti. Odredbama tačke 17. Metodologije, propisano je da, u skladu s odredbom člana 174. Zakona o zaštiti i spašavanju, procjenu ugroženosti za područje općine izrađuje služba civilne zaštite općine uz neposredno sudjelovanje općinskih službi za upravu, koje, na prijedlog općinske službe, odredi općinski načelnik. Izrađeni nacrt procjene ugroženosti za područje općine, prije usvajanja od strane nadležnog općinskog organa, razmatra općinski štab civilne zaštite i daje svoje mišljenje i sugestije na predloženi tekst te procjene.

Član 40. stav (1) Statuta Grada Tuzle propisuje da je Gradonačelnik je izvršni organ Grada Tuzle. Član 41. Statuta dalje propisuje da Gradonačelnik u okviru svoje nadležnosti, pored ostalog donosi akte iz svoje nadležnosti, a odredbama člana 138. je propisano da se odluka donosi, kao akt vršenja prava i dužnosti Gradonačelnika, radi izvršavanja zakona, drugih propisa i općih akata.

II – Razlozi za donošenje Odluke

Procjenjivanje ima za cilj da se analiziraju i procijene sva pitanja vezana za izradu planova zaštite i spašavanja od prirodnih i drugih nesreća, uključujući: rizike, odnosno uzroke koji mogu dovesti do nastanka prirodnih i drugih nesreća na području za koje se izrađuje procjena ugroženosti, posljedice koje mogu nastati po ljude i materijalna dobra, utvrđivanje odgovarajuće organizacije zaštite i spašavanja u cilju sprečavanja nastajanja nesreća, odnosno, na spašavanju ljudi i materijalnih dobara, procjenu potreba i mogućnosti u obezbjeđenju ljudskih i materijalnih potencijala neophodnih za ostvarivanje procijenjene organizacije zaštite i spašavanja. Procjena ugroženosti grada Tuzle predstavlja osnovni dokument za izradu Plana zaštite i spašavanja grada Tuzle.

Važeću Procjenu ugroženosti od prirodnih i drugih nesreća Grada Tuzle 2021. godine izradila je Agencija za zaštitu ljudi i imovine „INZA“ d.o.o Sarajevo, u okviru projekta „EU za bolju civilnu zaštitu–Izgradnja kapaciteta i priprema BiH za mehanizam civilne zaštite EU“, finansiran od Evropske komisije.

Rješenjem Gradonačelnika, broj: 02/04-A-17471-2025 od 31.10.2025. godine, formirana je Radna grupa za ažuriranje i izradu prijedloga planskih dokumenata zaštite i spašavanja grada Tuzle, uključujući i prijedlog Procjene ugroženosti sa ažuriranim podacima i svim eventualnim novitetima koje su od značaja za oblast zaštite i spašavanja.

Služba civilne zaštite Grada Tuzle je izradila nacrt Procjene ugroženosti i u skladu sa Metodologijom dostavila Gradskom štabu civilne zaštite, koji je nakon razmatranja nacrtu Procjene ugroženosti dao pozitivno mišljenje na isti.

III – Obrazloženje pojedinih odredbi Odluke

Članom 1. i 2. određen je predmet Odluke i da dokument Procjena ugroženosti čini njen sastavni dio.

Članom 3. određeno je da se Procjena ugroženosti čuva u Službi civilne zaštite Grada Tuzle, što je u skladu sa odredbama tačke 21. Metodologije kojim je propisano da se procjena ugroženosti, kao poseban dokument uz plan zaštite i spašavanja ljudi i materijalnih dobara od prirodnih i drugih nesreća, čuva u službi civilne zaštite općine.

Članom 4. određeno je stupanje na snagu Odluke.

Obradivač:
Služba civilne zaštite Grada Tuzle